

SCRIPT OF MORNING GOJRI NEWS BULLETIN 11AUG 1015 HRS

ما رنینگ گو جری نیوز بلیٹن مورخہ 11 اگست 2025

یوہ آکا شوانی جموں ہے عبیدالرحمان تیں خبر سُنو۔

PM OP SINDOOR

وزیراعظم نریندر مودی نے آپریشن سندور غی کامیابی مانہ میک ان انڈیا اقدامات تے جدید ترین تکنیکی طاقت غو ذکر کیو ہے تے کہیو ہے کہ دفاعی پیداوار مانہ مزیکورہ اقدامات نے آپریشن سندور نانہ کامیاب بنان مانہ برو اہم کردار ادا کی وے بنگلور مانہ ایک عوامی جلسہ نال خطاب غیدوران جناب مودی نے کہی وکہ پوری دنیا نے نیا بھارت غا نوا چہرہ نانہ دیکھیو کیو بجے بھارتیہ فوج نے سرحدان غے اندر جاغے دہشت گردان غا ٹکانہ تباہ کیا تے پاکستان نانہ گجھ گھنٹاں غے اندر پیچھے ہٹن ور مجبور کردتو ٹیکنالوجی غا شعبہ مانہ خود مختاری غو ذکر کرتا مانہ وزیراعظم نریندر مودی نے اشیاء تیار کرن بارے صفر عیب صفر اثرات معیار نانہ قائم رکھن ور زور پایو ہے۔

LG DY CM VANDE BHARAT

لیفٹیننٹ گورنر منوج سنہا نے کہیو ہے کہ جموں کشمیر غے اندر نقل و حمل غا ڈھانچہ تے خصوصاً ریلوے سیکٹر مانہ گزشتہ گجھ سالان غے اندر بڑی سطح ور ترقی دیکھی جارہی ہے امرتسر تیں شری ماتا ویشنو دیوی کٹڑہ ریلوے سٹیشن تک چلائی گئی وندے بھارت ریل ور خوشی گو اظہار کرتا مانہ موصوف نے کہیو کہ یاہ نوی وندے بھارت ریل ماتا ویشنو دیوی آن آلا عقیدت مندان گا سفر نانہ آرام دہ بناوے گی تے علاقہ غی مقامی معشیت گ آبارا مانہ وی اہم کردار ادا کرے غی اسے دوران نائب وزیراعلیٰ سریندر چوہدری نے وی اس قدم نانہ خوش آئندہ قرار دتو تے کہیو کہ یاہ جدید خدمات نانہ صرف مزہبی سیاحت نانہ بادو دے غی بلکہ جموں کشمیر تے پنجاب شہران بشکار رابطان نانہ وی مزید مضبوط کرے غی واضع رہ کہ وندے بھارت ریل ہفتہ مانہ منگلوار تہاڑہ نانہ چھوڑے غے باقی تمام دنان مانہ امرتسر تیں ماتا ویشنو دیوی کٹڑہ بشکار چلے غی۔

KISHTWAR ENCOUNTER

ضلع کشتواڑ گا ٹول کوار علاقہ مانہ حفاظتی دستاں تے پاکستانی دہشت گردان بشکار ٹا کرا غو سلسلو اج دوجے دن وی جاری ہے یوہ آپریشن گزشتہ روز سویرے شروع ہویو تھو جد حفاظتی دستاں نے ایک خفیہ سو ملنور کاروائی کی جس دوران فوج تے دہشت گردان بشکار تاکرو شروع ہو گئیو اس دوران شدید گولی باری غو سلسلو جاری ہے تے تقریباً 2 پاکستانی دہشت گرد مزکورہ جگہ ور فوج غا گھیرا مانہ بین حفاظتی دستہ ان دہشت گردان نانہ ختم کرن وستے اینو کم کر رہیا ہیں تے آپریشن اس وقت جاری ہے۔

IN DAY ARRANGEMENTS

جموں کشمیر یو ٹی غے اندر یوم آزادی تقریبات منان خاطر کئی بڑا اقدامات کیا گیا ہیں حفاظتی انتظامات نانہ مزید سخت کیو گئیو ہے تاکہ عوامی حفاظت نانہ یقینی بنایو جاسکے تے پر امن تقریب منعقد ہو سکیں اس سلسلہ مانہ فوج غی گشت تے حساس مقامت ور جانچ پڑتال غو سلسلو جاری ہے یو ٹی غے اندر اسکولان کالجاں تے سرکاری دفتراں غے اندر

ثقافتی پروگرام ت ہر گھر ترنگا مہم متعلق پروگرام جاری ہیں ت ضلعاں غے اندر قومی اتحاد تے فخریہ شہری ہون غو جزبو واضع طور ور دیکھیو جاسکے اس موقعہ ور عوامی تحفظ خاطر متعلقہ اتھارٹی نے عوام تیں تعاون غی اپیل کی ہے کہ زمہ داری نال تقریبات منان غو کھیو ہے۔

TIRANGA RALLIES

یوم آزادی غے نیڑے آئیں ہ جموں کشمیر غے اندر بکھ بکھ اقدامات غے تحت حُب الوطنی صفائی ستھرائی تے قومی یکجہی غا کئی پروگرام منعقد کرایا جارہا ہیں ضلع ادھمپور مانہ مرکزی وزیر جتندر س نگہ نے ترنگا یاترا تے ہر گھر ترنگا مہم غی شہید کپتن توشار مہاجن سٹیشن تیں شروعات کی

اس دوران بڑی تعداد مانہ لوکاں نے اس مہم مانہ حصو ليو تے قوم غے تئیں اتحاد تے محس تیں علاوہ حُب الوطنی غو وی اظہار کیو اسے طرح ضلع کشتواڑ غا چوگان میدان مانہ صفائی مہم غی شروعات کی گئی ڈپٹی کمشنر پنکج کمار شرما غی سربراہی مانہ اس مہم غے دوران لوکاں نے صفائی برقرار رکھن غی قسم لیتاں مانہ بھارتیہ جھنڈا نال اپنی تصویر وی بنوائی تے آزادی گا امرت ماہوتسو غا ذیل مانہ برادری سطح ور ماحول نانہ صاف رکھن مانہ بادو دیں تے اس بارے مزید بیداری پھیلاں غی قسم وی لی گئی ضلع جموں غے اندر وی پولیس نے پورن نگر چوک تیں مہاراجہ ہری سنگھ غا مجسمہ تک 30 دو پہیہ گڈیاں 10 ترے پہیہ گڈیاں تے 90 شہریاں نے بائیک ترنگا ریلی غو اہتمام کیو۔

KATHUA BRIDGE

ڈپٹی کمشنر کٹھوعہ راجیش شرما نے مہمان پور گا پیڈو نالہ ور تعمیر ہو رہیا پُل گو جائیزو ليو ہے بی آر او غی طرفوں تعمیر کیا جارہیا اس پُل گا معائنہ غے دوران ڈی سی موصوف نال کیہ اعلیٰ افران وی موجود تھا اس دوران موصوف نے کام غی رفتار تیز کرن تے 20 اگست 2025 تک پُل غی تعمیر مکمل کرن غی ہدایت جاری کی ہیں بی آر او غا اہلکاراں نے دسیو ہے کہ لوکی گڈیاں گی اک طرفہ نقل و حمل غو سلسلو شروع کیو گیو ہے لیکن بڑی گڈیاں وستے بنایو گیو متبادل رستو بھاری بارشاں نال تباہ ہو گیو تھو جس نانہ دوبارہ جلد بحال کیو جے غو۔

WEATHER

محکمہ موسمیات نے جموں خطہ غا کئی علاقوں غے اندر 12 تیں 15 اگست تک بارشاں غی پیش گوئی کی ہے اس دوران کئی جگہاں ور بھاری بارش وی ہو سکیں متعلقہ اتھارٹی نے عوام تیں اپیل کی ہے کہ وے محکمہ موسمیات غی ہدایات ور عمل کریں تے بارشاں گا موسم مانہ احتیاطی تدبیر اپناویں۔
